



**Ўзбекистон Республикаси номидан  
ҲАЛ ҚИЛУВ ҚАРОРИ**

**Ховос тумани**

**2023 йил 05 январь**

**4-1203-2201/1420-сонли иш**

Боёвут туманлараро иқтисодий суди, судья Ў.Йўлдошев раислигида, судья ёрдамчиси Х.Абдурахмоновнинг котиблигида, аризаچи АААнинг, жавобгар БББ масъулияти чекланган жамиятининг банклардаги ҳисоб варақлари бўйича операцияларини ўн кундан кўп муддатга тўхтатиб туриш тўғрисидаги электрон шаклдаги аризаси асосида иқтисодий ишни ўз биносида ўтказилган очиқ суд мажлисида кўриб чиқиб, қуйидагиларни,

**а н и қ л а д и :**

ААА судга ариза билан электрон шаклда мурожаат қилиб, жавобгар БББ масъулияти чекланган жамияти томонидан Ўзбекистон Республикаси Солиқ кодексининг 111-моддаси, 3-қисми, иккинчи бандига риоя қилинмаганлиги сабабли, жавобгарнинг банклардаги ҳисоб варақлари бўйича операцияларини ўн кундан кўп муддатга тўхтатиб туришни сўраган.

Суд муҳокамаси вақти ва жойи тўғрисида белгиланган тартибда хабардор қилинган аризаچи ва жавобгар суд муҳокамасида иштирок этмади, бундай ҳолатда суд ишда уларнинг иштирокини мажбурий деб топмасликни ва ишни Ўзбекистон Республикасининг Иқтисодий процессуал кодекси 220-моддасига асосан уларнинг иштирокисиз мавжуд ҳужжатлар асосида кўришни лозим топади.

Суд, иш ҳужжатларини ўрганиб, қуйидаги асосларга кўра, аризани қаноатлантиришни лозим топади.

Иш ҳужжатларидан маълум бўлишича, аризаچи томонидан 09.12.2022 йилда жавобгарга хабарнома берилиб, унда ўтказилган камерал текширув (ўрганиш) натижаси юзасидан сўровномада кўрсатилган ҳужжатларни тақдим этиш акс ҳолда жавобгарнинг банклардаги ҳисоб варақлари бўйича операцияларини ўн кундан кўп муддатга тўхтатиб туриш маълум қилинган.

Жавобгар томонидан сўровномада кўрсатилган ҳужжатларни тақдим этилмаганлиги сабабли, солиқ органининг 2022 йил 09 декабрдаги 20/1-01878-сонли қарори билан жавобгарнинг банкдаги ҳисоб варақлари бўйича операциялари 10 кун муддага тўхтатилган.

Ўзбекистон Республикасининг Иқтисодий процессуал кодекси 215-моддасига кўра, иқтисодий судлар банклардаги ҳисобварақлар бўйича операцияларини ўн кундан кўп муддатга тўхтатиб қўйиш билан боғлиқ ҳуқуқий таъсир чораларини қўллаш ваколатига эга.

Ўзбекистон Республикасининг Солиқ кодекси 111-моддаси, 3-қисми, 2-бандига кўра, солиқ тўловчи (солиқ агенти) томонидан солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилмаганда, шунингдек солиқ тўловчи томонидан солиқ органи талаб қилган ҳужжатлар тақдим этилмаганда, ушбу модданинг тўртинчи бандига кўра, солиқ тўловчининг (солиқ агентининг) банкдаги ҳисобварақ бўйича операцияларнинг тўхтатиб турилиши банклар

томонидан солиқ тўловчининг (солиқ агентининг) барча ҳисобварақлари бўйича барча чиқим операциялари тўхтатиб турилишини англатади.

Кодекснинг 112-моддасига кўра, ушбу Кодекснинг 111-моддаси учинчи қисми 2-банди асосида - солиқ тўловчи (солиқ агенти) томонидан солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилмаганда, шунингдек солиқ тўловчи томонидан солиқ органи талаб қилган ҳужжатлар тақдим этилмаганда, солиқ тўловчининг бакнлардаги ҳисобварақлари бўйича операцияларини тўхтатиб туриш бекор қилинади.

Мазкур ҳолатда суд, жавобгар томонидан солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилмаган деб ҳисоблаб, аризани каноатлантиришни, иқтисодий иш электрон кўринишда бўлганлиги сабабли почта харажатини ундирувсиз қолдиришни, ишни кўриш натижаси бўйича Ўзбекистон Республикаси ИПКнинг 118-моддасига асосан давлат божини жавобгар зиммасига юклашни, лекин Ўзбекистон Республикасининг 06.01.2020 йилдаги “Давлат божи тўғрисида”ги №600-сонли Қонуни 9-моддаси 1-қисми 19-бандига кўра, аризачи ва жавобгар - ҳуқуқий таъсир чораларини қўллаш тўғрисидаги ишлар бўйича давлат божи тўловидан озод этилганлиги сабабли, давлат божи тўловини ундирувсиз қолдиришни лозим топади.

Юқорида баён этилганларга кўра, ҳамда Ўзбекистон Республикаси Иқтисодий процессуал кодексининг 118, 176-179-моддаларини қўллаб, суд

#### **қ а р о р   қ и л д и:**

АААнинг, жавобгар БББ масъулияти чекланган жамиятининг банклардаги ҳисоб варақлари бўйича операцияларини ўн кундан кўп муддатга тўхтатиб туриш тўғрисидаги аризаси каноатлантирилсин.

Жавобгар БББ масъулияти чекланган жамиятининг барча ҳисобварақлари бўйича, иш ҳақи ва кирим қисмидан ташқари операциялари ўн (10 кун) кундан кўп муддатга камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилиб, ҳуқуқбузарлик бартараф этилгунга қадар тўхтатиб турилсин.

ААА зиммасига, зиммасига, ҳуқуқбузарлик бартараф этилгандан кейин, бир кунлик муддатда жавобгар БББ масъулияти чекланган жамиятининг барча ҳисобварақлари бўйича операцияларини очиқ бериш маъсулияти (мажбурияти) юклатилсин.

Давлат божи ва почта харажати ундирувсиз қолдирилсин.

Ҳал қилув қарори қабул қилинган кундан эътиборан 10 кун муддат ичида, Сирдарё вилоят судига апелляция шикоятни берилиши (протест келтирилиши) мумкин.

**Судья**

**Ў.Йўлдошев**